



Sianginn i fimcawnnak



Australia i Sianginn



Australia i a ummi ngakchia kum 5 in kum 17 karlak cu sianginn an kai a herh.




Hi ah hin an kai lai:

- kum 6 asilole 7 chungah tangli sianginn ah an kai lai



- a tlawmbik 4 chung tang hleihnih sianginn ah an kai lai



Tang hleihnih sianginn hi Australia ah cun siangsangrun tiah auh a si theo.



Ngakchia a tam-u cu tangli sianginn an thawk hlan ah kum 1 chung ngakchia zohkhenhnak sianginn ah an kai fawn.



Ngakchia pawl cu an kum cung ah hngat in catang pawl asilole an thiam ning in chiah an si.



A dang liangluangmi pyine pawl le hmunhma pawl hoih in i dannak a um cio kho men.



Australia ah a biapi bikmi sianginn phun 2 a um:

- acozah sianginn pawl



- pumpaak sianginn pawl

Acozah Sianginn




Ngakchia a tam-u cu acozah siangah ah an kai lai.

Cu pawl sianginn cu pyine sianginn pawl ti zongin auh khawh an si.



Acozah sianginn ah na fa a kai ahcun sianginn i thawh dingmi pawl pek a hau lo.



Hi thil pawl caah tangka na pek a hau:

- cauk pawl



- sianginn khaan chung i ngakchia nih an hman dingmi a dang thilri pawl



- sianginn thilthuam – an i hruk aih a herhmi thilthuam



- nuamh awk i khualtlawnnak le hmundang i va riahnak – sianginn in hmundang ah ngakchia va cawlcanghnak pawl




Hi thil pawl vialte caah tangka na pe kho lai lo tiah na ruah ahcun sianginn zungkhaan chung i minung pakhat khat kha chim hna.

Pumpak Sianginn



Pumpaak sianginn pawl cu hi pawl nih hin an tuah theo:



- biaknak lei phu pawl – Katholik, Anglikan, Lutharen, Protetsaten, Judah mi asilole Monsalim



- mah tein a dirpi phu pawl



Pumpaak sianginn i thawh dingmi pawl cu a tam khomi a si.

Sianginn Ah Min I Khumhnak



Sianginn ah na fale min khumhnak an bawm kho hnga dingmi cu, na:

- riantuanpiaktu




- asiloah an autu



Hmuhsak na herh ding pawl cu:

- na khualtlawnnak catlap pawl




- na fa zawtkhamnak ca tialmi pawl – a zawtnak damter dingah siibawi asilole sii sayama nih an rak thlopbulnak



- na fa nih an rak ngeih bal cangmi fimcawnnak asilole sianginn a rak kai bal cang nak a langhtertu catialmi asilole awnnak lehmat


Sianginn kai



Sianginn kai cu Tangkawng dongh lei khin aa thawk i Dipa ah a dong.

4


Sianginn a tam-u pawl cu kai caan tem 4 an ngei.



Sianginn kai tem pawl karlak ah sianginn khar an um.



Sianginn pawl cu zapi dinhni pawl ah khar an si.



Ngakchia a tam-u cu Cacawn nikhat in Cacawn ninga tiang nikhat ah suimilam 6 chung hrawnghrang sianginn an kai.

Suimilam 6



Ngakchia cu sianginn an kai hrimhrim lai. Hihi upadi a si.



Na fa sianginn a kai lo ahcun, a kai lonak a ruang kha sianginn na chimh hna a hau.



Zeiruang ahdah na fa nih sianginn a kai lo, ti kha catial in na chimh ding kha sianginn nih an i ruahchan.

Ngakchia pawl Australia sianginn ah



A dang liangluangmi sining in a rami ngakchia pawl cu sianginn ah hmunkhat tein an i cawh dih.



Sianginn khaan chung ahcun hiti hin an i dang men lai:

- miphun
- biaknak
- zatlangnun lei sining



Sianginn a tam-u nih khaan khat chungah pa le nu he hmunkhat ah an chiah ko hna.



Cheukhat sianginn tu ahcun:

- pa pawl lawng bak an chiah hna



- nu pawl lawng bak an chiah hna

A hlei in bawmh a herhmi ngakchia pawl



Na fa nih Mirang cacawn ding ah a hlei in bawmh a herh ahcun Cawnchap mi Holh ah Mirang holh (English as an Additional Language - EAL) cawnnak pawl ah a kai kho.



EAL cawnnak pawl cu na fa a kainak sianginn ah khan tuah tawnmi a si ko.




A hlei deuh in bawmh a herhmi ngakchia pawl zong nih a dang ngakchia hna bantu kin covo an ngei ve ko.



Na fa nih hi pawl a ngeih ahcun a hlei deuh in bawmh a hau men lai:

- takpum lei tlamtlin lonak



- thinlung lei tlamtlin lonak



- hna theihnak lei harnak asilole a hna a chet



- khua hmuhnak lei harnak asilole a mit a cawt



- cawnnak lei ah tlamtlin lonak



- ziaza a ngeihmi ah harnak



A hlei deuh in bawmh a herhmi ngakchia pawl cu sianginn kel pawl i a khaan chung ah telh ve an si tawn ko.



A hlei deuh in bawmh a herhmi ngakchia pawl caah sianginn pawl an um thiamthiam.

Sianginn cu zeidah a lawh




Sianginn ah ngakchia pawl cu siangngakchia tiah auh an si.



Australia i cachimtu hna nih an siangngakchia pawl kha hihi tuah dingah an forhfial hna:

- khuaruah dingah



- tuaktaan dingah – zeiruang ahdah hi thil hi a can ti kawlhawlnak



Cachimtu hna nih siangngakchia pawl sinin thil pawl i chingchiah-nak sawhsawh in cawn dingah an i ruahchan lo.



A khaan chungah siangngakchia hna nih hi pawl hi an tuah:


- biahalnak



- thil pawl kong chimnak



- fialmi rian le cawlcanghnak pawl phundang in cawn i zuamnak



Mirang holh an holh khawh tuk lo zong ah siangngakchia cu an i tel kho ko.



Sianginn cawlcanghnak phun tampi chungah i tel ve dingin siangngakchia pawl cu forhfial an si:

- holh – relnak le tialnak



- kanaan – nambur pawl he riantuannak



- lentecelhnak pawl



- ringawn



- nuamh awk ah hmundang i kal le umtonak
– siangngakchia pawl a hlei in cawnmi
hmuhtonnak pek dingah sianginn in
hmundang ah kalnak



Australia nih cawn awk i a tuahmi kha sianginn
dihlak nih an chimh hna.

www.australiancurriculum.edu.au

Nulepa hna le an fale sianginn



Sianginn pawl nih nulepa pawl cu an fa a fimcawnnak ah i tel ve hna seh ti an duh.



Na tuah khawh mi:

- tonpumhnak ah kal in na fa a cachimtu he biaruah



- na fa cu sianginn i catuah ding le innca tuah awk vialte kha tlamtling in tuahter



- sianginn i tuahmi puailaam pawl ah kalter
 - hlasaknak puai le nunnuam lentecelhnak pawl
 - lentecelhnak ni pawl



Sianginn i sianguk he hi kong hi bia na ruah kho:

- na fa a cacawnnak
- sianginn i thil a umtuning pawl



Sianguk cu sianginn hruaitu a si.



Thawngthanhmi tamdeuh cu Fimcawnnak le Rian Cawnnak Zung vuapsaih (Department of Education and Training's website) ah na hmuh khawh lai.

www.education.gov.au

Hngakchia Zohkhenhnak le Fim cawnnak



Ngakchia zohkhenhnak le no lio cawnnak nih ngakchia no pawl kha, hi caantha hi a pek hna:


- a himnak hmun ah cawn le thancho ding ah



- a dang ngakchia pawl he chawnh le lentecelh ding ah



- anmah pumpak he midang pawl he an lungthin umtuning, khuaruahmi le lungduhmi pawl hngalh ding ah



Rian a ngeimi nulepa pawl kha rian ah kal khawhnak caantha a pek ve hna.



Ngakchia zohkhenhnak le no lio cawnnak kong thawngthanhmi tamdeuh cu KaFa vuapsaih (MyChild website) ah na hmuh khawh lai.

www.mychild.gov.au



Australian Government
Department of Social Services

Mipeem Caah Tuantu Ramkip Huap Phu
nih Australian Cozah Zatlang Bawmhnak
Phu ai-awh in a cawnpiak hna

